

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/09-49-8253/18
Sarajevo, 31.05.2018. godine

Na osnovu člana 70. Zakona o javnim nabavkama ("Službeni glasnik", br. 39/14), te člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke usluga - Održavanje aplikativne programske opreme „DOKUMENT MENADŽMENT“, u pregovaračkom postupku bez objavljivanja obavještenja o nabavci, po preporuci Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda ponuđača „OCEAN“ d.o.o. Travnik sa najnižom cijenom tehnički prihvatljive ponude u iznosu od 6048,90 KM sa PDV-om, u predmetu javne nabavke usluga Održavanje aplikativne programske opreme „DOKUMENT MENADŽMENT“, u pregovaračkom postupku bez objavljivanja obavještenja o nabavci, shodno članu 64. stav 1. tačka b) Zakona o javnim nabavkama ("Službeni glasnik BiH" broj 39/14).

2. Zadužuje se Služba za zajedničke poslove da obavjesti učesnika u pregovaračkom postupku o donošenju Odluke o rezultatima okončanog postupka javne nabavke i da zaključi ugovor po konačnosti iste.

3. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

Obrazloženje

Na osnovu zahtjeva Službe za zajedničke poslove, br. 02/12-sl/18 od 04.04.2018. godine, donesena je Odluka o pokretanju postupka javne nabavke i pokrenut Pregovarački postupak bez dodatnog objavljivanja obavještenja o nabavci, u skladu sa članom 21. stav 1. tačka c) Zakona o javnim nabavkama, te upućeno pozivno pismo ponuđaču „OCEAN“ d.o.o. Travnik za učešće u pregovaračkom postupku i podnošenju inicijalne ponude.

Uvidom u izvještaj i preporuku Komisije za javne nabavke, utvrđeno je:

- da je Komisija dana 21.05.2018. godine u 14 sati pristupila otvaranju ponude u prisustvu ovlaštenog predstavnika „OCEAN“ d.o.o. Travnik, te je zapisnički konstatovala da ponuda ponuđača iznosu 6048,90 KM sa PDV-om,

- da je Zapisnikom o pregovorima, br. 02/12-49-8253/18 od 21.05.2018. godine konstatovano da ponuda ispunjava zahtjeve iz pozivnog pisma i tenderske dokumentacije, te da je postignut sporazum o svim bitnim elementima ugovora u pogledu pružanja usluga, odnosno intervencije za prijave do 12 sati, odmah istog dana, a za prijave poslije 12 sati, narednog dana do 12 sati, održavanje sistema (tehnička podrška) i održavanje aplikativnog softvera što podrazumjeva: otklanjanje eventualnih grešaka u aplikativnom programskom modulu, Upgrade – dopunjavanje verzije aplikativnog programskog modula sa novim dodacima i verzijama, Upgrade – manjeg obima dopunjavanje verzije aplikativnog programskog modula prema promjeni zakonskih propisa, cijeni, načinu plaćanja, te ostalim uslovima definisanim tačkom 2. tenderske dokumentacije,

- da je ponuđač pozvan da dostavi konačnu ponudu sa uvjerenjima iz člana 45. Zakona o javnim nabavkama u roku od 5 dana,

- da je konačna ponuda dostavljena dana 23.05.2018. godine sa ponudom u iznosu od 6048,90 KM sa PDV-om i traženim uvjerenjima.

Imajući u vidu navedeno, na preporuku Komisija za javne nabavke roba i usluga, a primjenom člana 64. stav 1. tačka b) Zakona o javnim nabavkama ("Službeni glasnik BiH" broj 39/14), odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba Uredu za žalbe Mostar u roku od 10 dana po prijemu iste. Žalba se zjavljuje putem ovog organa u pisanoj formi direktno, elektronskim putem ili preporučenom pošiljkom u ajmanje tri primjerka.

DOSTAVITI:

1. Služba za zajedničke poslove
2. U spis

Općinski načelnik
mr. Senir Efendić